



Համարը N 90-Ն

Տիպը Հրաման

Սկզբնաղբյուրը Միասնական կայք 2024.03.04-

2024.03.17 Պաշտոնական

հրապարակման օրը 13.03.2024

Ընդունող մարմինը Կադաստրի կոմիտեի ղեկավար

Ստորագրող մարմինը Կադաստրի կոմիտեի ղեկավար

Վավերացնող մարմինը

Ուժի մեջ մտնելու ամսաթիվը 21.03.2024

Տեսակը Հիմնական

Կարգավիճակը Գործում է

Ընդունման վայրը Երևան

Ընդունման ամսաթիվը 11.03.2024

Ստորագրման ամսաթիվը 11.03.2024

Վավերացման ամսաթիվը

Ուժը կորցնելու ամսաթիվը

**Կապեր այլ փաստաթղթերի հետ**

ՀՀ ԿԱԴԱՍՏՐԻ ԿՈՄԻՏԵԻ ՂԵԿԱՎԱՐԻ ՀՐԱՄԱՆԸ ՊԵՏԱԿԱՆ ԿԱՌԱՎԱՐՄԱՆ ԵՎ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ, ՊԱՇՏՈՆԱՏԱՐ ԱՆՁԱՆՑ, ԱՅԼ ԿԱԶՄԱԿԵՐՊՈՒԹՅՈՒՆՆԵՐԻ ԿՈՂՄԻՑ ՏԱՐԱԾԱԿԱՆ ՏՎՅԱԼՆԵՐԻ ՍՏԵՂԾՄԱՆ, ՄՇԱԿՄԱՆ, ՕԳՏԱԳՈՐԾՄԱՆ ԿԱՄ ՏԱՐԱԾՄԱՆ ՄՇՏԱԴԻՏԱՐԿՈՒՄ ԻՐԱԿԱՆԱՑՆԵԼՈՒ ԿԱՐԳԸ ՍԱՀՄԱՆԵԼՈՒ ՄԱՍԻՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

**ԿԱԴԱՍՏՐԻ ԿՈՄԻՏԵ**

«11» մարտի 2024 թվականի  
ք. Երևան

N 90-Ն

**Հ Ր Ա Մ Ա Ն**

ՊԵՏԱԿԱՆ ԿԱՌԱՎԱՐՄԱՆ ԵՎ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ, ՊԱՇՏՈՆԱՏԱՐ ԱՆՁԱՆՑ, ԱՅԼ ԿԱԶՄԱԿԵՐՊՈՒԹՅՈՒՆՆԵՐԻ ԿՈՂՄԻՑ ՏԱՐԱԾԱԿԱՆ ՏՎՅԱԼՆԵՐԻ ՍՏԵՂԾՄԱՆ, ՄՇԱԿՄԱՆ, ՕԳՏԱԳՈՐԾՄԱՆ ԿԱՄ ՏԱՐԱԾՄԱՆ ՄՇՏԱԴԻՏԱՐԿՈՒՄ ԻՐԱԿԱՆԱՑՆԵԼՈՒ ԿԱՐԳԸ ՍԱՀՄԱՆԵԼՈՒ ՄԱՍԻՆ

Ղեկավարվելով «Տարածական տվյալների մասին» օրենքի 6-րդ հոդվածի 2-րդ մասի 2-րդ կետի պահանջով՝

**Հրամայում եմ՝**

- Սահմանել՝ պետական կառավարման և տեղական ինքնակառավարման մարմինների, պաշտոնատար անձանց, այլ կազմակերպությունների կողմից տարածական տվյալների ստեղծման, մշակման, օգտագործման կամ տարածման մշտադիտարկում իրականացնելու կարգը՝ համաձայն հավելվածի:
- Սույն հրամանում օգտագործվող հասկացությունները կիրառվում են այն իմաստներով, որոնք սահմանված են «Տարածական տվյալների մասին» օրենքով:
- Սույն հրամանն ուժի մեջ է մտնում պաշտոնական հրապարակման օրվան հաջորդող տասներորդ օրը:

11.03.2024

Ս. Թովմասյան

**ԿԱՐԳ**

**ՊԵՏԱԿԱՆ ԿԱՌԱՎԱՐՄԱՆ ԵՎ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐԻՆՆԵՐԻ, ՊԱՇՏՈՆԱՍԱՐ ԱՆՁԱՆՑ, ԱՅԼ ԿԱԶՄԱԿԵՐՊՈՒԹՅՈՒՆՆԵՐԻ ԿՈՂՄԻՑ ՏԱՐԱԾԱԿԱՆ ՏՎՅԱԼՆԵՐԻ ՍՏԵՂԾՄԱՆ, ՄՇԱԿՄԱՆ, ՕԳՏԱԳՈՐԾՄԱՆ ԿԱՄ ՏԱՐԱԾՄԱՆ ՄՇՏԱԴԻՏԱՐԿՈՒՄ ԻՐԱԿԱՆԱՑՆԵԼՈՒ**

1| Սույն կարգով կարգավորվում են պետական կառավարման և տեղական ինքնակառավարման մարմինների, պաշտոնատար անձանց, այլ կազմակերպությունների կողմից տարածական տվյալների ստեղծման, մշակման, օգտագործման կամ տարածման մշտադիտարկում իրականացնելու հետ կապված հարաբերությունները:

2| Մշտադիտարկման նպատակն է Հայաստանի Հանրապետության տարածքի վերաբերյալ տարածական տվյալներ ստեղծողների, մշակողների, օգտագործողների, տարածողների, ինչպես նաև տարածական տվյալների վերաբերյալ տեղեկատվական բանկի ստեղծումը:

3| Մշտադիտարկումը իր մեջ ներառում է պետական կառավարման և տեղական ինքնակառավարման մարմինների, պաշտոնատար անձանց, այլ կազմակերպությունների կողմից տարածական տվյալների ստեղծման, մշակման, օգտագործման կամ տարածման վերաբերյալ տեղեկատվության հավաքագրման, ուսումնասիրության, վերլուծության, ամփոփման, հաշվետվությունների կազմման գործառույթները:

4| Պետական կառավարման և տեղական ինքնակառավարման մարմինների, պաշտոնատար անձանց, այլ կազմակերպությունների կողմից տարածական տվյալների ստեղծման, մշակման, օգտագործման կամ տարածման մշտադիտարկում իրականացնում է Կադաստրի կոմիտեի համապատասխան ստորաբաժանումը:

5| Մշտադիտարկումը իր մեջ ներառում է|

1) Տարածական տվյալներ ստեղծող, մշակող, օգտագործող կամ տարածող պետական կառավարման և տեղական ինքնակառավարման մարմինների, պաշտոնատար անձանց, այլ կազմակերպությունների վերաբերյալ տեղեկատվության հավաքագրում:

2) Պետական կառավարման և տեղական ինքնակառավարման մարմինների, պաշտոնատար անձանց, այլ կազմակերպությունների կողմից ստեղծվող, մշակվող, օգտագործվող կամ տարածվող տարածական տվյալների վերաբերյալ տեղեկատվության հավաքագրում:

3) Պետական կառավարման և տեղական ինքնակառավարման մարմինների, պաշտոնատար անձանց, այլ կազմակերպությունների կողմից տարածական տվյալների ստեղծման, մշակման, օգտագործման կամ տարածման վերաբերյալ տեղեկատվության վերլուծություն:

4) Ազգային գեոպորտալի հարմարավետության գնահատում:

5) Տարածական տվյալների ստեղծման, մշակման, օգտագործման, տարածման ընթացակարգերին համապատասխանության ուսումնասիրություն:

6) Տարեկան կտրվածքով հարցումների իրականացում՝ ուղղված տարածական տվյալներ ստեղծող, մշակող, օգտագործող և տարածող պետական կառավարման և տեղական ինքնակառավարման մարմիններին՝ ընթացակարգերը, առաջացող կարիքները բավարարելու և օգտագործելիությունը բարձրացնելու, ինչպես նաև տարածական տվյալների ստեղծմանը, մշակմանը և տարածմանը նոր թափ հաղորդելու նպատակով:

7) «Հետադարձ կապի» միջոցով ստացված տեղեկատվության ուսումնասիրություն, վերլուծություն, առաջացած խնդիրների հնարավոր լուծումների տարբերակների մշակում:

8) Տարածական տվյալների ստեղծման, մշակման, օգտագործման և տարածման վերաբերյալ պաշտոնական նամակագրության միջոցով պետական կառավարման և տեղական ինքնակառավարման մարմիններից ստացված հաշվետվությունների, ինչպես նաև այդ ընթացքում առաջացած հնարավոր խնդիրների ուսումնասիրություն:

9) Ազգային գեոպորտալից օգտվողների քանակի, ներբեռնումների և վերբեռնումների վերաբերյալ վիճակագրական ցուցանիշների ուսումնասիրություն, վերլուծություն, անհրաժեշտության դեպքում՝ առաջարկությունների ներկայացում:

6| Մշտադիտարկման արդյունքում ձևավորված բոլոր հաշվետվությունները և վերլուծությունները ներկայացվում են Կադաստրի կոմիտեի ղեկավարին կից ստեղծված ինտեգրված կադաստրի ազգային տարածական տվյալների ենթակառուցվածքի խորհրդակցական մարմնին (աշխատանքային խումբ):

7| Ըստ անհրաժեշտության ստեղծվում են ուսուցողական տեսադասեր, անցկացվում են դասընթացներ՝ ազգային տարածական տվյալների ենթակառուցվածքի հնարավորությունների և ազգային գեոպորտալից օգտվելու վերաբերյալ:

Կադաստրի կոմիտեի ղեկավար՝

Ս. Թովմասյան

11.03.2024

Պաշտոնական հրապարակման օրը՝ 13 մարտի 2024 թվական: